

Broj: 5-1-05-1-115/14-15  
Sarajevo, 02.09.2015. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke, broj: 5-1-05-1-115/11-15 od 01.09.2015. godine u postupku nabavke usluge štampanja službenih glasila, LOT 3- Usluga štampanja „Službenih novina Kantona Sarajevo“, direktor je donio:

**ODLUKU**  
**o izboru najpovoljnijeg ponuđača**

**I**

Prihvata se Prijedlog Komisije za javne nabavke, 5-1-05-1-115/11-15 od 01.09.2015. godine i ugovor za javnu nabavku usluge štampanja službenih glasila, LOT 3- Usluga štampanja „Službenih novina Kantona Sarajevo“ dodjeljuje se ponuđaču GIK OKO d.d. Sarajevo, za ponuđenu cijenu od 24.570,00 KM bez PDV-a, kao najbolje ocijenjenom ponuđaču.

**II**

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

## OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge štampanja službenih glasila, LOT 3- Usluga štampanja „Službenih novina Kantona Sarajevo“ proveo otvoreni postupak nabavke.

Obavještenje o nabavci broj: 195-1-2-49-3-14/15 objavljeno je na Portalu javnih nabavki dana 10.07.2015. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 25.08.2015. godine konstatovala su u roku pristigle slijedeće ponude:

1. Ponuda ponuđača „GIK OKO“ d.d. Sarajevo, broj protokola: 5-1-05-1-115/4-15, dostavljena 25.08.2015. godine u 11.24 sati.
2. Ponuda ponuđača „UNIONINVESTPLASTIKA“ d.d. Sarajevo, broj protokola: 5-1-05-1-115/7-15, dostavljena 25.08.2015. godine u 11.26 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-115/10-15 od 01.09.2015. godine utvrdila da ponuda ponuđača UNIONINVESTPLASTIKA d.d. Sarajevo nije formalno prihvatljiva u skladu sa članom 68. (4) i) Zakona o javnim nabavkama, iz slijedećeg razloga:

U ponudi na strani 9.-Izjava o ispunjenosti uslova iz člana 47. st 1 tačka a) i (4) Zakona o javnim nabavkama, ponuđač nije potpisao i stavio svoj pečat na mjestu koje je predviđeno za to u izjavi, nego je izjavu ovjerio kod nadležnog općinskog organa uprave. Naime u izjavi je izričito propisana rubrika **potpis i pečat ponuđača/kandidata i M.P.** koje nisu popunjene.

Kako je 8.2.1 Tenderske dokumentacije propisano slijedeće:

„ NAPOMENA: Ponuđač je obavezan da popuni i dostavi sve navedene dokumente iz tačke 8.2.1. U slučaju da ponuđač ne dostavi i popuni sve tražene dokumente (izuzev Aneksa 4 kako je navedeno u tački 8.5.1) koji su navedeni, ponuda će mu biti odbačena kao neprihvatljiva“,

ponuda navedenog ponuđača nije formalno prihvatljiva zbog navedenog nedostatka.

Analizom formalno prihvatljivih ponuda Komisija je Zapisnikom o ocjeni ponuda koji se dostavlja kao prilog ovoj Odluci, broj: 5-1-05-1-115/10-15 od 01.09.2015. godine utvrdila rang listu ponuda prema kriterijima za izbor ponude kako slijedi:

1. GIK OKO d.d. Sarajevo sa 100,00 bodova

Izabrani ponuđač GIK OKO d.d. Sarajevo je izabran primjenjujući kriterij ekonomski najpovoljnije ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

**POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

**DOSTAVLJENO:**

1. GIK „OKO“ d.d. Sarajevo
2. UNIONINVESTPLASTIKA d.d. Sarajevo
3. Komisiji za javne nabavke
4. a/a.

v.d. DIREKTOR  
Dragan Prusina